

# Сән амрлгън

Приютненск района тууджл тўрўн болдж, сургъульчнр эн джил эврәннь районн лагерьт амрджацхана. „Дружба“ колхозин, сән садта болн сўўдртә газрт районн лагерь бўрдәгдв. Зу гар сургъульчнр эн зун ўўнд амрхмн.

Кōк рош дунд виноградникин болн боодгин оор бичкн кўўкдин дун джинънсьн сонъсгддг болв. Ўўнд цугъар сән: цевр агъарт унтсн бат нōр чигн, одр болгън оомлгън чигн, спортивн площадкд

болдг оln зўсн наадн чигн—цугъар таасгдна.

Эднә хот уудг газри бас паарс чачр дор бәәнә. Малун нарнас болн хур орсн цагт эн чачрнь ик хаац болна.

Эн лагерь бўрдәлгънд „Дружба“ болн „Киров“ колхозмуд, 4-ч болн 107-ч хōднә совхозмуд икәр дōнъгән кўргцхәв. Эдн гаругиннь ик зуугъинь бийсьн даагъад, одртән дōрв дакдж хот оғдгәр кехд дōнъ болцхав.

И. ШАНТАРОВИЧ. С